



Халқ сўзи

Ўзбекистон — келажаги буюк давлат

1991 йил 1 январдан чиқа бошлаган • WWW.XS.UZ • E-mail: Info@xs.uz • 2017 йил 5 август, № 154 (6848) Шанба

Сайтимизга ўтиш учун QR-коднинг телефонингиз орқали сканер қилинг.

ИҚТИСОДИЁТНИНГ БАРҚАРОР ҲАМ ИШТИРОКЧИЛИКНИ ТАЪМИНЛАШ — ХАЛҚИМИЗ ФАРОВОНЛИГИНИ ОШИРИШНИНГ МУҲИМ ОМИЛИ

Ўзбекистон Республикаси Президенти Шавкат Мирзиёев раислигида 4 август куни 2017 йилги Инвестиция дастурига киритилган йирик ва муҳим аҳамиятга эга инвестиция лойиҳаларини амалга ошириш ва йил якуни бўйича қўйилган натижалар, шунингдек, давлатимиз раҳбарининг Андижон вилояти ва пойтахтимизнинг Чилонзор туманига ташрифлари чоғида белгиланган вазифалар ижросига бағишланган видеоселектор йиғилиши ўтказилди.

Йиғилишда Бош вазир ва унинг ўринбосарлари, Президентнинг Давлат маслаҳатчилари, тегишли вазирликлар, идоралар, ҳўжалик бирлашмалари раҳбарлари иштирок этди. Видеоконференция алоқаси орқали Қорақалпоғистон Республикаси Жўқорги Кенгеси Раиси, вилоятлар ва Тошкент шаҳар ҳокимлари, маҳаллий ҳокимликлар, вазирлик ҳамда идораларнинг ҳудудий тузилмалари, қорхоналар раҳбарлари, тадбиркорлар ва инвесторлар қатнашди.

Давлатимиз раҳбари инвестициялар ҳажми йилдан-йилга ортиб боришини таъминлаш, юқори қўшимча қийматли, чуқур қайта ишланган маҳсулотлар ишлаб чиқарувчи янги замонавий қорхоналарни ишга тушириш — мамлакатимиз иқтисодиётининг барқарор ўсишини таъминлаш, аввало, аҳоли ҳаёти ва фаровонлиги даражасини янада оширишнинг энг муҳим омилларидан бири эканини таъкидлади.

Президент ҳузуридagi Лойиҳа бошқаруви миллий агентлиги ташкил этилган иқтисодиётимизга инвестиция жалб этиш масаласи нечоғли муҳим стратегик вазифалардан бири эканини яққол намоён этди. Йиғилишда ушбу Агентлик фаолиятини оқилона ташкил қилиш, аввало, инвестиция лойиҳаларини ишлаб чиқиш ва ҳаёtgа татбиқ этиш самарадорлигини оширишга, барча жараёнларнинг очик бўлишини таъминлашга алоҳида эътибор қаратиш зарурлиги қайд этилди.

2017 йилги Инвестиция дастурига мувофиқ, жорий йилда 552 лойиҳа доирасида 7,2 миллиард АҚШ долларини ўзлаштириш ва 67 йирик лойиҳани амалга ошириш белгиланган. Жумладан, 2017 йилнинг ўзидa умумий қиймати 2,4 миллиард долларга тенг 170 лойиҳа, жумладан, 16 йирик лойиҳа ижроси якунига етказилди.

Фаол инвестиция сиёсатини изчил давом эттириш натижасида ўтган 7 ойда 32 лойиҳа ижроси якунланди, йил охиригача яна 138 лойиҳани амалга ошириб, объектларни ишга тушириш юзасидан барча зарурий чора-тадбирлар белгиланди.

Президент Шавкат Мирзиёев мамлакат миқёсида ва жойларда айрим раҳбарлар инвестиция лойиҳаларини амалга оширишда юзга келадиган муаммоларни тезкор ҳал этиш ва уларни кафолатланган молиявий манбалар билан таъминлашга юзак, маъсулиятсизлик билан ёндашадиганига эътибор қаратди.

Ўтган 7 ой мобайнида 27 лойиҳа бўйича маблағларни ўзлаштириш режадан ортда қолдиргани, 8 лойиҳа бўйича ҳужжатлар ҳалигача тасдиқланмагани каби танқидий мисоллар келтирилди.

Шу муносабат билан тармоқлар раҳбарлари ва лойиҳалар ташаббускорлари зиммасига мавжуд муаммоларни тезлик билан ҳал қилиш, суствашилик ҳолатларини бартараф этиш чораларини кўриш юзасидан аниқ вазифалар юқланди.

Давлатимиз раҳбари таъкидлаганидек, инвестиция лойиҳаларини амалга оширишда юзга келадиган асосий камчиликларга тегишли ҳужжатлар пухта ишлаб чиқилмагани, қўйилган раҳбарлар тегишли тармоқлар ва соҳалар келажаги тўғрисида муйайин тасаввурга эга эмаслиги, яъни ўзи бошқараётган соҳанинг бир неча йилдан кейинги ривожланиш истиқболли ҳақида аниқ ҳисоб-китоб юритмаётгани сабаб бўладиганини қайд этди.

Бош вазир ўринбосарлари, вазирлик ва идоралар, ҳўжалик бирлашмалари ва ҳудудий ҳокимликлар раҳбарларига инвестиция лойиҳаларини ижроси устидан ҳафталик назоратни янада кучайтириш, аниқланган муаммоларни бартараф этиш ва камчиликка йўл қўйган масъул шахслар фаолиятини баҳолаш юзасидан кўриладиган аниқ чоралар тўғрисида ҳар ой якунида ҳисобот бериш бориши вазифаси таъкидланди.

«ЎЗБЕКИСТОН ТЕМИР ЙЎЛЛАРИ» АКЦИЯДОРЛИК ЖАМИЯТИ ЖАМОАСИГА

Қадрли ватандошлар! Муҳтарам дўстлар!

Авалло, сиз, азизларни — «Ўзбекистон темир йўллари» акциядорлик жамияти тизимида меҳнат қилаётган ишчи ва хизматчилар, курувчи ва муҳандислар, машинист ва вагон кўзатувчилари, барча ходимларни юртимиз ҳаётида илк бор нишонланаётган кутлуғ сана — Темир йўлчилар куни билан чин қалбимдан самимий табриклаб, барчангизга ўзимнинг чуқур ҳурматим ва эзгу тилақларимни изҳор этаман.

Мустақиллик йилларида бутун мамлакатимиз қатори Ўзбекистон темир йўллари соҳаси ҳам оғир ва машаққатли, айни вақтда шарафли шакланиш ва ривожланиш йўлини босиб ўтди.

Ўтган даврда мамлакатимизнинг барча ҳудудларини ишончли ва самарали боғлайдиган, халқаро транспорт тармоқларига чиқишни таъминлайдиган, мустақил, ягона ва яхлит темир йўл транспорти коммуникациялари тизими барпо этилгани, ҳеч шубҳасиз, шу йўналишда эришган энг катта тарихий ютуғимиз бўлди.

Сизларга яхши маълум, ҳозирги вақтда юк ва йўловчи ташинишнинг асосий қисми темир йўл соҳасига тўғри келади ва бу тармоқнинг иқтисодиётимизни ривожлантиришдаги аҳамияти тобора ортиб бормоқда.

Халқаро транспорт тизимларининг ажралмас қисми ва муҳим бўғини бўлган Ўзбекистон темир йўлларининг халқаро ташувлар тизимидаги роли янги босқичга кўтарилмоқда.

Қадим замонлардан буюн Буюк Ипак йўли ва қўйилган савдо йўллари тутаётган минтақада жойлашган Ўзбекистоннинг географик жиҳатдан ўта муҳим ўрни бу заминда турли цивилизация ва маданиятлараро мулоқот ва ҳамкорлик алоқалари мунтазам амалга оширилиши учун қулай

имконият яратгани шубҳасиз, албатта. Халқаро ҳамжамиятнинг эътирофи эътибори, Ўзбекистон Шарқ билан Ғарбни, Жануб билан Шимолни боғлайдиган улкан транспорт-коммуникация ва транзит салоҳиятига эга.

Ана шу салоҳият ва имкониятдан самарали фойдаланаётган «Ўзбекистон темир йўллари» акциядорлик жамиятининг кўп миллатли жамоаси темир йўл транспорт коммуникацияларини ривожлантириш, тақомиллаштириш ва реконструкция қилиш, темир йўл орқали юк ва йўловчи ташиниш хавфсизлигини таъминлаш борасида салмоқли ишларни амалга оширмоқда.

Ўтган йиллар давомида темир йўлчиларимиз томонидан 1100 километрдан ортиқ янги темир йўллар барпо этилган, 4 минг километрлик темир йўл магистраллари модернизация қилинган, 1700 километрлик темир йўл боғламалари электрлаштирилган таҳсинга сазовордир.

Бу ҳақда сўз юритганда, мамлакатимиз иқтисодиёти учун гоят муҳим стратегик аҳамиятга эга бўлган ва Амударё узра қурилган кўприкни ҳам қамраб олган Навоий — Учқудуқ — Нукус — Султон Увайтоғ, Тошгузар — Бойсун — Қумқўрғон ва Ангрэн — Поп темир йўлларининг бунёд этилиши билан Ўзбекистоннинг ягона ва мустақил темир йўл тармоғини шакллантириш ишлари якунига етказилганини таъкидлаш зарур.

Мураккаб тоғ ва иқлим шароитида бунёд этилган, денгиз сатҳидан 1800 метр баландликдаги тоғ чўққули орқали ўтган ва замонавий инфратузилма объектлари билан таъминланган, умумий узунлиги 346 километр бўлган Тошгузар — Бойсун — Қумқўрғон ҳамда Ангрэн — Поп темир йўллари Марказий Осиё минтақасида нобў иншоотлар ҳисобланади.

Айниқса, Ангрэн — Поп электрлаштирилган янги темир йўли

лоийҳасини амалга оширишда Ўзбекистон темир йўлчилари билан бирга, хитойлик мутахассислар ҳам катта ҳисса қўшганини алоҳида мамнуният билан таъкидлашни истардим.

2016 йилда ишга туширилган ушбу темир йўл тармоғи Фарғона водийсини мамлакатимизнинг бошқа ҳудудлари билан ишончли боғлаш имконини яратиш билан бирга, Хитой — Марказий Осиё — Европа янги халқаро транзит темир йўл тизимининг ажралмас ва муҳим бўғини бўлиб хизмат қилаётгани, айниқса, эътиборлидир.

Янги темир йўлларнинг фойдаланишга топширилиши мамлакатимизнинг шимолий ва жанубий ҳудудларининг иқтисодий салоҳиятини янада ривожлантириш, минерал ресурслар, нефть ва газ, рангли металллар, қурилиш материаллари ва бошқа хом ашёга бой конларни комплекс ўзлаштириш, энг муҳими, янги иш ўринлари яратиш, минг-минглаб юртдошларимизни иш билан таъминлаш имконини берадиган барчамизни хурсанд қилади.

Ана шу ишларнинг изчил давоми сифатида Мароқанд — Қарши темир йўли участкасида электрлаштириш ишлари ниҳоятга етказилди, Қарши — Термиз темир йўли участкасини электрлаштириш ишлари жадал олиб борилаётганда.

«Ўзбекистон темир йўллари» акциядорлик жамиятининг транспорт соҳасидаги хизмат кўрсатиш даражаси ва сифатини ошириш мақсадида ҳаракатланадиган таркиби замонавий, юқори самарали локомотив ва қулай вагонлар билан таъминлаш ва модернизация қилишга алоҳида эътибор берилмоқда. Сўнги йилларда 49 та замонавий электровоз ва 10 та йўловчи ташийдиган тепловоз сойти олиниган, 120 та локомотив модернизация қилинган бу борадаги ишлар кўлами тобора ортиб бораётганини кўрсатади.

«Қуов-механика заводи» шўба корхонасида ҳаракатланадиган

таркиби таъмирлаш базасини ривожлантириш, вагонсозликни ташкил этиш ва қуов корхонасини реконструкция қилишга қаратилган лойиҳани амалга ошириш жараёнида 26,5 минг тонна металл қуйиш қувватига эга бўлган қорхона ташкил этилди, янги юк вагонлари, кўп тоннали контейнерлар ишлаб чиқаришни кенгайтириш ва юк вагонларини капитал таъмирлаш ва қайта тиклаш ишлари якунига етказилди.

Испаниянинг жаҳонга машҳур «Тальо» компанияси томонидан ишлаб чиқарилган, юқори тезликда ҳаракатланадиган «Агрослоб» электропоездлари қисқа мuddатда халқимиз ва хорижий меҳмонларнинг эътибори ва ишончини қозонди, деб айтишга бугун барча асосларимиз бор.

Ҳозирги кунда ушбу поезدلр пойтахтимиз Тошкент шаҳридан Самарқанд, Бухоро, Қарши каби тарихий шаҳарларимизга қатнамоқда, йўловчиларимиз вақтини икки баробаргача қисқартирмоқда.

Ўтган даврда мамлакатимизда 16 та янги темир йўл вокзали бунёд этилди, 9 та вокзал реконструкция қилинди ҳамда йўловчиларга халқаро стандарт ва талаблар даражасида хизмат кўрсатиш имконини берадиган замонавий техника ва технологиялар билан жиҳозланди.

Мустақиллик йилларида темир йўл транспорти коммуникацияларини ривожлантириш ва инфратузилмаларни ободонлаштириш мақсадида 7,5 миллиард доллардан ортиқ капитал қўйилмалар, жумладан, 2,4 миллиард долларлик хорижий инвестициялар йўналтирилди.

Бугунги имкониятдан фойдаланиб, йўл, энергия таъминоти, телекоммуникациялар, локомотивлар, вагон ва контейнерлардан фойдаланиш, йўловчи ташиниш ҳўжаликлари, шунингдек, тармоқ лойиҳачилари, курувчилари ҳамда саннат қорхоналари мамлакатимизда темир йўл тизимини ривож-

лантиришга, унинг самарали фаолият қўрғатишга салмоқли ҳисса қўшаётганини миннатдорлик билан қайд этмоқчиман.

«Ўзбекистон темир йўллари» акциядорлик жамияти ташкил этилган кундан буюн юк ташиниш ҳажми 2,1 марта, йўловчи ташиниш ҳажми 2 баробар кўпайгани, темир йўллар орқали 1,4 миллиард тонна юк ташилиб, 350 миллион йўловчи ўз манзилга етказилгани сизларнинг фидокорона меҳнатингиз билан амалга оширилган ишлар салмоғи нақадар катта эканидан далolat беради.

Ўз таркибида 73 минг нафар юқори малакали инженер-техник ходим ва мутахассислар, йўлсозлар, машинистларни, саннат, лойиҳа ва қурилиш қорхоналари, ижтимоий инфратузилма объектларининг ишчи ва хизматчиларини бirlаштирган меҳнат жамоаси, ҳеч шубҳасиз, тармоқнинг бунёдкор кучи, бебаҳо бой-лидир.

Айнан ана шундай ўз касбига садоқатли ва фидойи юртдошларимизнинг сидқидилдан қилаётган самарали меҳнати, билим ва тажрибаси туфайли темир йўл тармоғи халқимиз ўртасида ҳақли равишда обрў-эътибор, ҳурмат ва эҳтиромга сазовор бўлиб келмоқда.

Ҳурматли темир йўл транспорт ходимлари! Сизларни бугунги касб байрамингиз билан яна бир бор чин қалбимдан табриклаб, фидокорона меҳнатингиз, Ватанимиз равнақи ва фаровонлиги йўлида қўшаётган муносиб ҳиссангиз учун самимий миннатдорлик билдираман.

Барчангизга сihat-саломатлик, бахт ва омад, эзгу ишларингизда янги-янги муваффақиятлар, ҳонадонларингизга тинчлик-осойишталик ва файзу барака тилайман.

Шавкат МИРЗИЁЕВ, Ўзбекистон Республикаси Президенти

Ўзбекистон Республикаси Президентининг ФАРМОНИ

МАМЛАКАТИМИЗ ТЕМИР ЙЎЛ СОҲАСИ ХОДИМЛАРИДАН БИР ГУРУҲИНИ МУКОФОТЛАШ ТЎҒРИСИДА

Мамлакатимиз темир йўл транспорти соҳасидаги кўп йиллик фидокорона меҳнати, тармоқни замон талаблари асосида ривожлантириш, минтақа ва жаҳон миқёсида муҳим аҳамиятга эга бўлган йирик лойиҳаларни муваффақиятли амалга ошириш борасидаги катта хизматлари, республикамизда темир йўл транспорти коммуникацияларининг мустақил, ягона ва яхлит тизимини яратиш, халқаро стандарт ва талабларга мос янги темир йўллари барпо этиш, тармоқнинг барқарор ва самарали ишлашини таъминлаш ҳамда юқори малакали кадрлар тайёрлаш ишларига қўшган муносиб ҳиссаси учун қуйидагилар фахрий унвон, ордон ва медаллар билан тақдирлансин:

«Ўзбекистон Республикасида хизмат кўрсатган транспорт ходими» Исмаилов Халмурат — «Ўзбекистон темир йўллари» акциядорлик жамиятининг «Тоштемирйўллойиҳа» масъулияти чекланган жамияти директори, Тошкент шаҳри

«Фидокорона хизматлари учун ордени билан» Шайманов Абсатқан Бозорович — «Ўзбекистон темир йўллари» акциядорлик жамиятининг Термиз

темир йўл масофаси йўл таъмирловчиси, Сурхондарё вилояти

«Меҳнат шухрати» ордени билан

Абдуллаев Нусратилло Садуллаевич — «Ўзбекистон темир йўллари» акциядорлик жамиятининг «Ўзтемирйўлмаштаъмир» унитар қорхонаси бош директори Рабимов Тошқуват Шодиярович — «Ўзбекистон темир йўллари» акциядорлик жамиятининг Самарқанд темир йўл масофаси кўприк устаси, Самарқанд вилояти Хасилов Хуснутдин Нуриддинович — «Ўзбекистон темир йўллари» акциядорлик жамияти бош менежери — бош муҳандиси Цой Виктор Робертович — «Ўзбекистон темир йўллари» акциядорлик жамиятининг «406-ихтисослаштирилган қурилиш-монтаж поезди» унитар қорхонаси бошлиғи

«Дўстлик» ордени билан Сағдуллаева Элмира Шавкатовна — «Ўзбекистон темир йўллари» акциядорлик жамиятининг «Тошкент йўловчи вагонларини қуриш ва таъмирлаш заводи» акциядорлик жамияти етакчи муҳандис-технологи, Тошкент шаҳри

Ҳолмаматов Али Султонович — «Ўзбекистон темир йўллари» акциядорлик жамиятининг Қарши электр таъминоти қорхонаси электромеханиги, Қашқадарё вилояти

«Шухрат» медали билан

Ганиев Полат Бегдудович — «Ўзбекистон темир йўллари» акциядорлик жамиятининг Қўнғирот локомотив депоси тепловоз машинисти, Қорақалпоғистон Республикаси Рустамов Рустам Бекназарович — «Ўзбекистон темир йўллари» акциядорлик жамиятининг Бухоро алоқа ва ишорат масофаси участка бошлиғи, Бухоро вилояти Эгамов Маруф Мирзахмедович — «Ўзбекистон темир йўллари» акциядорлик жамиятининг Қўқон вагон депоси вагон йиғув цехи бригада бошлиғи, Фарғона вилояти

Ўзбекистон Республикаси Президенти Ш. МИРЗИЁЕВ Тошкент шаҳри, 2017 йил 4 август

Тараққиётнинг «пўлат из»лари



Президентимизнинг «Ўзбекистон Республикаси темир йўл транспорти ходимлари кунини нишонлаш тўғрисида»ги Фармони билан август ойининг биринчи яқшанбаси «Ўзбекистон Республикаси темир йўл транспорти ходимлари кунини» деб эълон қилинди.

«ФИДОЙИНГ БЎЛГАЙМИЗ СЕНИ, ЎЗБЕКИСТОН!»

Ушбу ҳужжатда қайд этилганидек, темир йўл транспорти соҳасини тубдан ислох қилиш, мураккаб тоғ ва чўл шароитларида янги темир йўллари барпо этиш, тезорар поезدلр ҳаракатини ташкил қилиш, линияларни электрлаштириш, юк ва йўловчи вагонларини ишлаб чиқариш бўйича амалга ошириладиган йирик лойиҳалар транспорт инфратузилмасини ривожлантириш баробарида, мамлакатимиз тараққиётига хизмат қилмоқда. Дарҳақиқат, юртимизда истиклолнинг дастлабки йилларидан бошлаб мазкур йўналишдаги ишларга, хусусан, темир йўл тармоғини ривожлантиришга алоҳида эътибор қаратилаётган.

(Давоми 2-бетда).

БИЗ ВА Жаҳон



Япониянинг Сендай ва Нагоя шаҳарларида Ўзбекистоннинг сайёҳлик салоҳияти, маданияти ҳамда санъатига бағишланган тақдирот маросими бўлиб ўтди.



«Ўзбекистон Буюк Ипак йўлининг юрагидир»

Мамлакатимизнинг Япониядаги элчихонаси ва ушбу мамлакатнинг "World Air-Sea Service" ҳамда "Hankyu International Travel" компаниялари билан ҳамкорликда ўтказилган мазкур тадбирда парламент, ҳукумат, маданият ва ишбилармон доиралар ҳамда оммавий ахборот воситалари вакиллари иштирок этди.

Тадбир давомида қатнашчилар эътиборига Ўзбекистонда сайёҳлик соҳасини ривожлантириш, бу борадаги инфратузилмани модернизациялаш, хизмат кўрсатиш сифатини яхшилаш ва республикага келадиган меҳмонлар дам олишлари учун қулай шaroитлар яратиш бўйича амалга оширилаётган чора-тадбирлар ҳақида батафсил маълумот берилди.

"World Air-Sea Service" бош менежери Юко Такешита "Жаҳон" ахборот агентлигига берган интервьюси чоғида Ўзбекистонни Марказий Осиёдаги йirik мамлакат ва улкан маданий бойликлар хазинаси, дея эътироф этди.

нинг юраги бўлиб, асрлар давомида илғор илм-фан ютуқлари ва кашфиётлари билан донг таратган заминдир, — деди Ю. Такешита. — Мамлакатларимиз ўртасида мустақам дўстона муносабатлар ва ўзаро манфаатли ҳамкорлик ўрнатилгани қувонарли ҳолдир. Тадбир давомида Ўзбекистон ҳақида тақдим этилган маълумотлар япониялик сайёҳ ва сармоядорларнинг юртингизга бўлган қизиқиши янада ортишига хизмат қилади. Жорий йилда Япониянинг турли йirik шаҳарларидан Самарқанд шаҳрига чартер авиакатновлари йўлга қўйилгани ҳам айнан ушбу мақсадларга йўналтирилгандир.

«Жаҳон» АА Токио

ЭЪЛОНЛАР

Ўзбекистон Республикаси Фавқулодда вазиятлар вазирлиги ФУҚАРО МУҲОФАЗАСИ ИНСТИТУТИ қўйидаги вақант (бўш) лавозимларга танлов эълон қилади:

- Ҳарбий-гуманитар фанлар кафедраси: доцент — 1 ўрин, катта ўқитувчи — 1 ўрин, чет тили ўқитувчиси — 1 ўрин, ўқитувчи — 1 ўрин.
• Радиацион, кимёвий ва тиббий-биологик муҳофаза кафедраси: доцент — 1 ўрин, ўқитувчи — 2 ўрин.
• Фавқулодда вазиятларда давлат тизими ва фуқаро муҳофазасини тезкор бошқарув кафедраси: доцент — 1 ўрин.
• Муҳандислик муҳофазаси ва иқтисодий объектлари барқарорлиги кафедраси: доцент — 1 ўрин.
• Кутқарувчиларни тайёрлаш ўқув-машқ маркази, Радиацион-кимёвий, биологик (бактериологик) муҳофаза ўқитувчиси — 1 ўрин.
• Ахборот-ресурс маркази бошлиғи — 1 ўрин.
• Илмий-амалий тадқиқотлар бўлими: етакчи илмий ходим — 2 ўрин, катта илмий ходим — 2 ўрин.
• Зилзилани симуляция қилиш маркази: етакчи мутахассис — 1 ўрин, етакчи мутахассис (психолог) — 1 ўрин.
• Ахборот-коммуникация технологиялари маркази: 1-тоифали мутахассис.

Танловда олий таълим муассасаларининг ҳаётий фаолият ҳавфсизлиги мутахассислиги бўйича ёки Фавқулодда вазиятлар вазирлиги тизимида камидан 5 йил фаолият юритган, магистр даражасига эга бўлган малакали ходимлар иштирок этиши мумкин.

Танловда қатнашиш истagini билдирган номзодлар тегишли ҳужжатларни Фавқулодда вазиятлар вазирлиги Фуқаро муҳофазаси институти кадрлар бўлимига топширишлари шарт.

Ҳужжатларни тақдим этишнинг охириги санаси — 2017 йил 15 август.

Манзил: Тошкент вилояти, Қибрай тумани, Геофизика кўрғони, Анайбулоқ кўчаси, 3-уй. Мурожаат учун телефонлар: (0-371) 266-50-36, 266-50-21. Электрон почта: igz_mchs@mail.ru

«Respublika milk markazi» МЧЖ

Бошланғич баҳоси босқичма-босқич очиб бориш тартибида ўтказиладиган очиқ аукцион савдосига тақлиф этади.

Аукцион савдосига ҳарбий қисмлардан бирига қарашли, Тошкент шаҳри, Яшнобод тумани, Фарғона йўли кўчаси, 25-уйда сақланаётган қўйидаги автотранспорт воситалари такоран қўйилмоқда:

- 1992 йилда ишлаб чиқарилган, давлат рақами 01/042 SCA бўлган, «УАЗ-31512» русумли.
Бошланғич баҳоси — 1 615 000 сўм.
• 1986 йилда ишлаб чиқарилган, давлат рақами 01/441 SCA бўлган, «ЗИЛ-131-МТО-АТ-1М» русумли.
Бошланғич баҳоси — 10 512 000 сўм.
Аукцион савдоси 2017 йил 22 август куни соат 11.00 дан бошлаб ўтказилади. Аризалар иш кунлари соат 10.00 дан 16.00 гача қабул қилинади (соат 13.00 дан 14.00 гача тушлик вақти). Аризаларни қабул қилишнинг охириги мuddати — 2017 йил 18 август куни соат 18.00.
Аукцион савдоси қолиби, деб топилган шахсга 10 кун мобайнида

сўтувчи билан олди-сотди шартномаси тузиш мажбурияти юқлатилади. Савдода қатнашиш учун ариза, закалат пули тўланганлиги ҳақидаги тўлов ҳужжати нусхаси, вакиллар учун ишончнома тақдим этилади. Талабдорлар автотранспорт воситаси билан мулк эгаси вакили иштирокида бевосита жойига чиқиб танишишлари мумкин.

Талабдорлар мулкнинг умумий ҳолатини шахсан ўрганиб чиққан ҳолда, савдо ташкилотчиси билан тузиладиган закалат келишувига асосан, мулк бошланғич баҳосининг 5 (беш) фоиздан кам бўлмаган миқдордаги закалат пулини «Respublika milk markazi» МЧЖнинг «Ипак йўли» АМТБ «Сағбон» филиалидаги қўйидаги охиқ рақамга тўлашлари шарт: 20210000300571452114, МФО: 01036, СТИР: 200933850.

Аризаларни қабул қилиш ва савдо ўтказиш манзили: Тошкент шаҳри, Олмазор тумани, 1-Қорақамиш кўчаси, 1-«А» уй. Телефон: (0-371) 228-79-52. Гувохнома №001805.

Барча юридик ва жисмоний шахслар, шу жумладан, чет эл инвесторлари диққатига!

Ўзбекистон Республикаси Хусусийлаштирилган корхоналарга кўмаклашиш ва рақобатни ривожлантириш давлат қўмитаси Самарқанд вилояти ҳудудий бошқармаси

инвестиция киритиш ва янги иш ўринлари яратиш эвазига «ноль» харид қийматида бепул берилиши белгиланган давлат мулки объектлари бўйича очиқ танлов савдоларига тақлиф этади.

Table with 6 columns: T/p, Davlat mulki ob'ektining nomi, Joylashgan manzili, Balansda saqlovchi, Tanlov shartlari (Kiritiladigan investitsiya miqdori, Investitsiya kiriritish muddati, Yaratiladigan yangi ish o'rinlari soni). Rows 1-18 listing various assets and their auction details.

Ўзбекистон Республикаси Президентининг 2017 йил 17 январдаги ПФ-4933-сонли Фармонида асосан, қўйидаги давлат мулки объектларининг ижарачисига объектни сотиб олиш учун устуң ҳуқуқ берилади:

• Объект фойдаланишида бўлган ер майдонлари оптимизация қилинади ва ортиқча ер майдонлари туман ҳокимлиги захирасига олинади.
Танлов ўтказиш мuddати — талабдорларнинг тақлифлари билдирилган конвертлар 2017 йил 5 сентябрь куни соат 15.00 да қўйидаги манзилда: Самарқанд шаҳри, Қўрсарой майдони, 1-уй, Самарқанд вилояти ҳокимлиги биносидан очилади.
Танлов савдоси шу куни бўлиб ўтмай қолган тақдирда, такоррий танлов савдолари ҳар ҳафтанинг пайшанба кунлари соат 15.00 да вилоят ҳокимлиги ҳудудий танлов комиссияси томонидан ўтказилади.
Танлов савдолари натижалари бўйича қолиблик баённомаси имзоланган санадан бошлаб 20 кундан кечикмай олди-сотди шартномаси тузилади.
Инвестиция киритиш мобайнида яратилган иш ўринлари, фаолият кўрсатиш йўлга қўйилгандан сўнғ кейинги 1 (бир) йил давомида сақланади.
Танловда қолиб, деб топилган талабдор шартнома имзолангандан кейин 30 кун мuddат ичида танлов объектини мустақил баҳоловчи ташкилот томонидан баҳолалади, бунда баҳолашга кетадиган сарф-харажатлар танлов қолиби томонидан қўпланмади.
Ҳудудий танлов комиссияси кўриб чиқиши учун муҳрлаб қўйилган конвертда танлов тақлифини тақдим этган ҳолда, танловда қатнашиш учун бюрорнома қабул қилиш танлов савдоси ўтказилиши тўғрисида эълон чоп этилган санадан бошланади ва 2017 йил 31 август (жума) куни соат 18.00 да тўхтатилади.
Дастлабки савдо санасида сотилмаган давлат мулки объектлари бўйича ҳар ҳафтанинг пайшанба кунлари уюштириладиган танлов савдоларида қатнашиш учун тақдим этиладиган бюрорнома ҳар ҳафтанинг сешанба кунига қадар соат 18.00 гача қабул қилинади.
Самарқанд вилояти Давлат санитария-эпидемиология назорати марказининг ҳулосасига асосан, юқорида рўйхатда келтирилган инвестиция мажбуриятлари эвазига «ноль» харид қийматида сотилиши белгиланган объектлар билан муассасаларнинг биноларини бошқарув таълим муассасалари, ёпиқ турдаги муассасалар (қариялар, ногиронлар уйлари ва шу қабилар), туғуруқ мажмуалари, дорихоналар, тураржой бинолари, умумий овқатланиш ва савдо объектлари учун қайта иختисослаштириш тақикланади. Қолган объектларни қайта иختисослаштириш мумкин.
Самарқанд вилояти экология ва атропо-муҳитни муҳофаза қилиш бошқармаси томонидан «ноль» харид қийматида сотилиши белгиланган объектларда тадбиркорлар томонидан келгусида ишлаб чиқариш, хизмат кўрсатиш ва бошқа йўналишларда фаолият кўрсатишлари учун ушбу объектларнинг давлат экологик экспертизаси ҳулосалари олинishi лозимлиги билдирилган.
Самарқанд вилояти архитектура ва қурилиш бош бошқармаси томонидан инвестиция мажбуриятлари эвазига «ноль» қийматида сотилиши белгиланган объектлар учун берилган маълумот бўйича ушбу объектлар замонавий архитектура талаблари асосида қайта таъмирланиши (қурилиш ишлари нийҳонсига етказилиши) ва техник ҳолатлари бўйича тегишли ташкилотларнинг ҳулосаси олинishi талаб этилиши маълум қилинган.
Танловда қатнашиш учун талабдор ёки унинг ваколатли вакили шахсан ёки почта орқали Давлат

қўшимча маълумотларни қўйидаги манзилдан олиш мумкин: Самарқанд шаҳри, Мир Саид Барака кўчаси, 49-уй, Давлат рақобат қўмитаси Самарқанд вилояти ҳудудий бошқармаси биноси, 1-қават (хусусийлаштириш бўлими). Маълумот учун телефонлар: (0-366) 210-10-21, 233-19-45. Факс: (0-366) 233-73-54. E-mail: samarkand@gki.uz Веб-сайт: www.gki.uz, www.gkitorg.uz, samgk.uz

Ҳурматли тадбиркорлар ва ишбилармонлар! Танлов савдоларида қатнашиш ёки ҳужжатларни топшириш қараёнида қонун билан қўриқланадиган ҳуқуқларингиз бузилган тақдирда, Давлат рақобат қўмитасининг (0-371) 259-21-37 рақамли «Ишонч телефони»га эудлик билан хабар беришингиз сўралади! Танлов савдоларига марҳамат қилинг!

Advertisement for 'Халқ сўзи Народное слово' newspaper. Includes contact information for the editor-in-chief, subscription rates, and a QR code. Also features a small advertisement for 'Шарқ' newspaper.